

2 Tesalonaika

Pol mij kisen nib ak Tesalonaika bin bi kirop ñu kil tikak

1 ¹ Cin Pol, Sailas, Timoti, nibep Bapi cin God Bi Kib Jisas Kraiss apil mal bin bi kiri taun kib Tesalonaika midebim okok, mij nibaul ñu kil tikobin.

² God Bapi cin abe, Bi Kib Jisas Kraiss abe, nibep mapin niñil di tep ger, nibi midmagil nab nibi adan kapkap mid tep ginimib.

Kraiss apek, God ne bin bi okok kirop minim kib agnigab

³ Pen ai mam sikop. Nibi ned Kraiss niñ dölögiyim rek mer; nibi ned pen pen midmagil löli giyim rek mer; miñi nibi kilis gil Kraiss nop niñ di kilis gil, nibi magilsek Kraiss bin bi ai mam okok pen pen midmagil lipim ak niñil, cin per nep God nop tep agin. ⁴ Kraiss bin bi ne midem, bin bi ognap nibep gi timel gel, miker apek koslam midebim ak pen gos par ma niñil, Kraiss nop niñ di kilis gil cig tep yib giyim. Nib ak, cin God cöc ne kariy lim ke ke okok amil, Kraiss minim tep ag ñi ajil, per nep nibi nig giyim ak kirop ag ñibin. ⁵ Nib ak cin nipin, God ne minim tig bilok tep giy niñil ne agek nibi God kariy lim seb kab ar alañ siyak am midenigabim. Miñi pen minim tep nibak agem nibep gi timel gel miker dilig gi midebim. ⁶ God ne minim tig bilok tep giy rek, bin bi nibep miker ñibal okok kirop pen ak rek nep miker ñinigab. ⁷ Pen nibi bin bi miker dilig gi midebim okok, God nibep abe cinop abe di tep ginigab. Bi Kib Jisas seb kab ar alañ nib ejol kilis ne okok poñ dil, mab mīlan rek yinek niñlig gi misen onigab ñin nibak nep God ne nig ginigab. ⁸ Bin bi God nop gos ma niñil, Bi Kib cin Jisas minim tep ne ak niñil, ageb rek ma gipal bin bi okok kirop pen yur ñinigab. ⁹ Bin bi nib okok, Bi Kib kariy lim tep ne kilis sek melik sek midenigab seb kab ar alañ siyak amnimel rek ma linigab; per mis ken midil yur kib dilig gi midenigal. ¹⁰ Bi Kib apek, bin bi siñ ne yib nop agel ar amnigab; bin bi nop niñ dipal okok, nop niñil kib gaul ginigal. Pen

Krais minim tep nibep ag ñinok niŋ dipek rek, nibi ke abe nib akniḅ rek nep ginigabim.

¹¹Ar nibak nep, nibep gos niŋil God nop per sobok gil apin, “Tesalonaika bin bi okok bin bi nak ke dipan rek, kilis nak gek kiri bin bi nak ke gipal rek ginimel; kilis nak gek kiri gi tep gin ag gos nipal ar ak, nib akniḅ rek nep ginimel; Krais bin bi ne midil, ne ageb rek nep gin, ag gos nipal ak, kilis nak gek nig akniḅ rek nep ginimel,” apin. ¹²God Bi Kib Jisas Krais kiri apil mal nibep mapin niŋil di tep gipir rek, nibi gi tep nep gilig gi midem niŋlig gi, bin bi okok niŋil Bi Kib cin Jisas Krais bi melik tep ke sek mideb ak niŋnigal. Pen nibi Jisas Krais bin bi ne midebim rek, melik tep ke ne nibak nibep abe pak ñinigab. Nig ginimiŋ, agil, God nop sobok gipin.

Bi timel ak

2 ¹Ai mam sikop. Bi Kib cin Jisas Krais adik gi apil cinop yiprig dek ne eip midonigabin minim ak agniŋain. ²Pen bin bi ognap agebal, Bi Kib adik gi onigab ñin ak pis nep owip agebal. Pen minim tom agil, Pol bi okok God Kaun gos ñek minim aglak ak niŋil nibep agobin, agenimel, aka minim tom agil, Pol bi okok nib agel bi ognap niŋil minim dopal ak niŋil nibep agobin, agenimel, aka minim tom agil, Pol bi okok mij ñu kil tikil yokel owip ak niŋil nibep agobin, agenimel ak, midmagil nibi pilis gek, Pol bi okok kiri ke minim nibaul ag yokpal agil gos par ma niŋnimib. ³Pen niŋ tep ginimib. Bin bi ognap nibep minim esek agenimel, minim kiri ak ma dinimib. Bi Kib adik gi onigab ñin ak kisen onigab. Pen ned ak, bin bi koŋai nep God nop kirig gil, gos kiri ke kisen gil abramek ginigal. Nig gel niŋlig gi, God nop kausal maual mideb bi ak miser lek bin bi nop niŋnigal. Pen kisen Bi Timel yib nibak mab ke eyaŋ amniŋab. ⁴Bi Timel nibak tap tari tari yib god apal okok abe, tap tari tari sobok gipal okok abe ag sikol gil, yib ne ke nep agek ar amniŋab. Ne am God sobok gep kariḅ ak am bisig gil, yad me God, agniŋab.

⁵Nibep eip midil, nig ginigab agil agnek ak pen saköl gipim rek lip. ⁶Nibi nipim, tap alap Bi Timel kanib komib ak me, miñi nig ginimiŋ rek ma lip. God ne ke ag lak ñin ak nep nig ginigab.

⁷Pen miñi ñin aul, God nop kausal maual mideb bi ak apek, ginigal ar ak bir gipal ak pen sikol nep gipal; gi kib giplap pen bi kanib komib bi nibak midek niŋlig gi, God nop kausal maual mideb bi ak, bin bi okok tapin lip gi kid ne okok dad amniŋiŋ rek ma lip. Nib ak, tap si tap timel sikol rek gi dam dapil gel niŋlig gi, God gek bi kanib komib ak ke okok amniŋab. ⁸God gek bi kanib komib ak ke okok amniŋab ak, God nop kausal maual mideb bi ak miser linigab. Pen Bi Kib Jisas onigab ñin nibak, ne tib kadig gil apil minim nep agek, Bi Timel ak pis nep ap yap pakniŋab. ⁹God nop kausal maual mideb bi onigab ak, ne Seten kilis ne

magilsek dil, esek agil, tap ma gep ke ke koŋai yib nep, tap niŋeb ma niŋeb ke ke koŋai yib nep gi dam midek niŋlig gi, bin bi kib gaul ginigal. ¹⁰God nop kaual maual mideb bi ak, bin bi okok kirop esek agil, neb neb gil, lip lip gil gi dam midek niŋlig gi, mab ke eyaŋ amniŋ ginigal bin bi okok minim ne ak diŋigal. Kiri Kraiŋ minim tep ak niŋil minim niŋid agil niŋ dil midmagil nab kiri adaŋ liplap ak, God kirop bin bi ne ke rek dipkop. Pen kiri niŋ ma ginigal; kiri minim tep ak yo niŋniŋal. ¹¹⁻¹²Tari ginig: Kraiŋ minim niŋid ak ma dil, tap si tap timel gil miŋ miŋ ginigal. Niŋ ak, God gek kiri magilsek minim tom nibak tapin niŋ diŋigal niŋil ne kirop minim kib agil mab ke eyaŋ ag yokniŋab.

¹³Pen nibep ai mam Bi Kib midmagil lip okok gos niŋil, per nep God nop tep agin. Tari ginig: birarik ped okok God gos ne ke niŋil agak, bin bi okok minim tep yad ak niŋ del, Kaun yad kaun kiri nab adaŋ midil gos tep ñek kiri bin bi siŋ midel niŋlig gi, yad kirop bin bi yad ke diŋigain, agak. God ne niŋ agak ak, nibep nep niŋil ag lak.

¹⁴Cin Kraiŋ minim tep nibep ag ñinok niŋlig gi, tap tep agebin nibaul God ne ke nibep ñiniŋain agak. God gak nibak, Bi Kib cin Jisas Kraiŋ melik tep akniŋ ke sek mideb ak, niŋi ne eip midil melik tep ne nibak ognap dil miŋ miŋ gilig gi mideniŋabim, agil gak. ¹⁵Niŋ ak me, ai mam sikop, Bi Kib Jisas Kraiŋ eip mid tep ginigabin, agil, kilis gil, minim nibep ag ñinok niŋep ak abe, minim ñu kil tikil agnok niŋep ak abe niŋ di kilis gil mideniŋimib.

¹⁶Bapi God cinop midmagil lil di tep yib gek tap tep diŋigabin agil gos sek midobin. Bapi God abe, Bi Kib cin Jisas Kraiŋ ne ke abe, ¹⁷apil mal nibep kod mider, gos sek midil, wög kiri apil mal ak ma kirig gil, minim tep kiri ak ag ñil, gi tep gilig gi nep mideniŋimib.

Cinop gos niŋil, God nop sobok ginimib

3 ¹Pen ai mam sikop, minim nokim alap mideb. Cinop God nop sobok gilig gi mideniŋimib. Nibep Bi Kib minim tep ag ñinok niŋ dipek, bin bi niŋi ognap nibep niŋil Bi Kib minim tep ak rek nep niŋ del, bin bi ognap koŋai nep kid kid okok minim tep ak niŋil, Bi Kib minim tep ne ke nep mideb ak agil niŋ dilak. Niŋ ak, God nop ag niŋil, Bi Kib minim tep ak bin bi kariŋ lim nab siŋaul midebal kirop ag ñon, ned nibep nab siŋak gak rek, niŋ akniŋ rek nep ginimij. ²Pen God nop sobok gil tap alap ag niŋniŋimib. God ne gek bi timel tap si tap timel nep gipal okok, cinop tap alap ginimel rek ma linimij. Tari ginig: bin bi ognap Kraiŋ minim tep ak ma niŋ dipal.

³Pen Bi Kib agip rek, per nep akniŋ rek nep gip. Ne nibep gek niŋi minim ne niŋ di wös gil nop cig di wös gil gi midem, Seten nibep lip gi timel ginimij rek ma linigab. ⁴Pen Bi Kib cinop gos ñek gos sek midil niŋin, minim nibep ag ñinok ak, niŋi dil niŋ akniŋ rek nep gilig gi

midenigabim. ⁵Bi Kib nop sobok gil agobin, ne nibep gos tep ñek, God bin bi midmagil lip rek niñil, Kraiss yur kib dak pen kilis gil tap tari nop ginig gak ak ma kirig gak ak niñil, nig aknib rek nep ginigabim.

Wög gil nep tap ñiñnigabim

⁶Ai mam sikop. Bi Kib Jisas Kraiss minim yad bin bi okok ag ñinimib ag lak rek nibep agobin. Mam ognap wög ma gil yokop nep gi ajil, apin rek ma genimel, kirop eip minim minim ma agnimib. ⁷Nibi ke nipim, cin nibep eip kin midil gologipin ar ak ginigabim, Bi Kib nop tep ginigab. Cin yokop ma midoligipin. ⁸Bin bi ognap tap magil kiri yokop ma di ñiñin, agil, pib nab kislim eyañ tipik yur gil nep tap ñiboligipin. ⁹God wög gipin rek, nibep ag niñil tap abramek dil ñibnop ak pen nibep nag tep ar ak yomon niñil nig aknib rek nep ginimib, agil, ke tipik yur gil tap ñiboligipin. ¹⁰Pen nibep eip midil agoligipin, “Bin bi wög ma ginimel okok tap ma ñiñnimel,” agoligipin ak nipim.

¹¹Minim alap nipin ak, bin bi nibi ognap wög ma gil, yokop nep midil, tigon tigon gi ajil, minim pig kilopil agil, bin bi okok nig gipal nig gipal apal. ¹²Bi Kib Jisas Kraiss nop wög gipin rek, bin bi nib okok kirop minim kilis agil agobin, kapkap mid tep gil, wög ke gil tap ñiñnimib.

¹³Pen ai mam sikop. Nibi nag tep ar ak nep gi damil, yirik marik gonimij, tap tari tap tep nipim ak nep kilis gilig gi nep midenimib.

¹⁴Minim mij ñu kil tikil agobin aul, bin bi ognap ma niñenimel, bin bi an an nib gipal ak niñ tep gil, kirop minim minim ma agnimib; yokop midem kirop nabiñ ginimij. ¹⁵Pen kirop kausal maual rek ma niñnimib; mam cin agil ag ñi tep ginimib.

Pol, “Nibi midebim?” agip

¹⁶Bi Kib cinop gek gos par ma nipin ak, ne ke nibep magilsek eip midek, nibi per nep tap tari tari ginigabim ak, mid tep gil gos par ma niñnigabim.

¹⁷Yad Pol. Minim dai aul ñinmagil yad ke ñu kil tikil, “Nibi midebim?” agebin. Ñinmagil yad ke minim ñu kil tikebin ak, per nib aul rek nep ñu kil tikpin ak me, niñnigabim. ¹⁸Bi Kib cin Jisas Kraiss nibep magilsek yimig niñil, di tep gilig gi midonimij.